

জগন্নাথ বিশ্ববিদ্যালয়ে ভর্তি পরীক্ষার তারিখ ঘোষণা

ইত্তেফাক ডিজিটাল ডেস্ক

প্রকাশ : ২৮ অক্টোবর ২০২৫, ০২:০০



জগন্নাথ বিশ্ববিদ্যালয়ের ২০২৫-২৬ শিক্ষাবর্ষে স্নাতক (সম্মান) ও বিবিএ প্রথম বর্ষের ভর্তি পরীক্ষার সম্ভাব্য তারিখ ঘোষণা করেছে বিশ্ববিদ্যালয় প্রশাসন। ডিসেম্বরের প্রথম সপ্তাহ থেকে শুরু হতে পারে ভর্তি পরীক্ষা।

 দৈনিক ইত্তেফাকের সর্বশেষ খবর পেতে [Google News](#) অনুসরণ করুন

সোমবার (২৭ অক্টোবর) বিশ্ববিদ্যালয়ের অফিসিয়াল ফেসবুক পেজে প্রকাশিত একটি বিজ্ঞপ্তিতে এ তথ্য জানানো হয়।

এতে বলা হয়, বিশ্ববিদ্যালয় প্রশাসনের ঘোষিত সম্ভাব্য সময়সূচি অনুযায়ী— চারুকলা অনুষদভুক্ত ই-ইউনিটের ভর্তি পরীক্ষা শুরু হবে ৫ ডিসেম্বর। বিজ্ঞান ও লাইফ অ্যান্ড আর্থ সায়েন্স অনুষদভুক্ত এ-ইউনিটের পরীক্ষা অনুষ্ঠিত হবে ১৩ ডিসেম্বর, বিজনেস স্টাডিজ অনুষদভুক্ত সি-ইউনিটের পরীক্ষা ২৬ ডিসেম্বর, সামাজিক বিজ্ঞান অনুষদভুক্ত ডি-ইউনিটের পরীক্ষা ২০২৬ সালের ৯ জানুয়ারি এবং কলা ও আইন অনুষদভুক্ত বি-ইউনিটের ভর্তি পরীক্ষা ২০২৬ সালের ২৩ জানুয়ারি অনুষ্ঠিত হবে।

এ বিষয়ে বিশ্ববিদ্যালয়ের রেজিস্ট্রার অধ্যাপক ড. মো. শেখ গিয়াস উদ্দিন বলেন, ‘অনেক বিশ্ববিদ্যালয়ের ভর্তি পরীক্ষার তারিখ ঘোষণা করেছে। আমরা সম্ভাব্য তারিখ ঘোষণা করেছি। আগামী বুধবার (২৯ অক্টোবর) একাডেমিক কাউন্সিলের মিটিংয়ে চূড়ান্ত সিদ্ধান্ত জানানো হবে।’